

X. ՈՐԱԿԻ ՆԵՐՔԻՆ ԱՊԱՀՈՎՄԱՆ ՀԱՍՏԱԿԱՐԳ

ՉՍՓԱՆԻՇ: *ՄՈՒՀ-ն ունի որակի ապահովման ներքին համակարգ, որը նպաստում է հաստատության բոլոր գործընթացների շարունակական բարելավմանը և որակի մշակույթի ձևավորմանը:*

ԵՊՀ Իջևանի մասնաճյուղն իր ռազմավարությամբ ([ՌՕ, նպատակ 1, խնդիր 1.3](#)) նպատակ ունի զարգացնել մասնաճյուղում դեռևս 2009թ.-ից ներդրված որակի ներքին գործընթացների իրականացման մշակույթը, բարձրացնել որակի ներքին ապահովման համակարգի կառույցների գործունեության արդյունավետությունը, ունենալ ՈԱՇ-ի պահանջներին համահունչ կրթական ծրագրեր, ապահովել դրանց պարբերական վերանայումը և դրանք իրականացնել բարձրակարգ դասախոսական կազմով: Մասնաճյուղի բոլոր գործընթացների համար իրականացնել գնահատումներ և մշակել դրանց արդյունավետության բարձրացման մեխանիզմներ: Զարգացնել համագործակցությունը ներքին և արտաքին շահակիցների հետ, վեր հանել նրանց խնդիրները, առաջարկել դրանց լուծումներ:

ՉՍՓՈՐՈՇԻՉ ա. ՄՈՒՀ-ն ունի որակի ապահովման քաղաքականություն ու ընթացակարգեր:

Մասնաճյուղում որակի ներքին ապահովման գործընթացներն իրականացվում են 2010թ.-ին ընդունված [կրթության որակի բնագավառում մասնաճյուղի վարած քաղաքականությամբ \(ԳԽ, 01.02.2010թ.\)](#), որն իր նախանշած նպատակներով և առաջ քաշած խնդիրներով այժմ էլ արդիական է և գործում է ըստ ԵՊՀ ԻՄ [որակի կազմակերպական կառուցվածքի](#): Կրթության բնագավառում մասնաճյուղն իր քաղաքականությամբ հետամուտ է որակի Եվրոպական ուղենիշներին ու չափորոշիչներին (ԵՉՈԻ) և որակի ապահովման համակարգի մշակումը, ներդրումը և մշտական կատարելագործումը բուհի առաջնահերթ խնդիրներն են: Կրթության որակի բնագավառում մասնաճյուղի գործունեության նպատակն է ապահովել բուհի բարձր մրցունակությունը կրթական ծառայությունների շուկայում, զարգացնել ԵՊՀ ԻՄ-ի ներուժը կրթական և գիտական գործունեության ավանդական բնագավառներում, ապահովել բուհի աշխատակիցների և շահակից կողմերի բավարարվածությունը և նրանց վստահությունը ապագայի նկատմամբ: Մասնաճյուղի ղեկավարությունն ապահովում է սույն քաղաքականության արդյունավետ իրականացումը և այն ներառում է կառավարման բոլոր աստիճաններում:

ԵՊՀ ԻՄ-ում ԵՉՈԻ պահանջներին համահունչ որակի ներքին ապահովման համակարգն իր նախնական գործընթացներով ներդրվել է 2009թ.-ից: Այժմ մասնաճյուղում գործում են ՈԱ բավականաչափ մեխանիզմներ և ընթացակարգեր, որոնք նպատակաուղղված են կրթական ծրագրերի բարելավմանը, ուսումնառության ռեսուրսների որակի շարունակական բարելավմանը, ներքին և արտաքին շահակիցների մասնաճյուղից բավարարվածության գնահատման համակարգի զարգացմանը և այլն: Այդ մեխանիզմներից և ընթացակարգերից են.

1. Մասնաճյուղի բոլոր գործընթացների և ստորաբաժանումների աշխատանքների տարեկան [ալյանավորումներն ըստ ռազմավարական ծրագրի իրականացման ժամանակացույց-ալյանի](#) և ամենամյա [հաշվետվությունները](#), որոնց միջոցով ապահովվում է մասնաճյուղի բոլոր գործընթացների հաշվետվողականությունը և թափանցիկությունը, վեր են հանվում թերությունները ու բացթողումները, մշակվում բարելավման ծրագրեր:
2. Կրթական ծրագրերի տարեկան [մշտադիտարկումը և պարբերական վերանայումը](#), որոնց արդյունքում կազմվում են ծրագրերի արդիականացմանն ու բարելավմանն ուղղված ալյաններ, իրականացվում են համապատասխան միջոցառումներ:

3. Կրթական ծրագրերի ղեկավարների ինստիտուտի առկայությունը (2016թ.-ից):
4. Մասնաճյուղում ստացած կրթությունից շրջանավարտների բավարարվածության կանոնակարգված հարցումները (2008թ.-ից, ԵՊՀ ԻՄ ԳԽ, 26.12.2017թ.), որոնց արդյունքներն օգնում են վերանայել կրթական ծրագրերի բովանդակությունը, ներդնել դասավանդման, ուսումնառության և գնահատման նոր մեթոդներ, բարելավել ուսումնառության ռեսուրսները և այլն:
5. Արտաքին շահակիցների հետ 2014թ.-ից պարբերաբար կազմակերպվող հանդիպում-քննարկումները, որոնց ընթացքում պարզաբանվում են մասնագիտությունների ճշգրտման, ուսանողների մասնագիտական պրակտիկ կրթության ու շրջանավարտների ապագա կարիերային աջակցելու հարցեր, մշակվում փոխշահավետ համագործակցության ծրագրեր:
6. Ավարտական կուրսերի ուսանողների հետ ամփոփիչ ատեստավորման քննություններից հետո հանդիպում-քննարկումները (2019թ.-ից), որոնց ժամանակ պարզաբանվում են կրթական ծրագրով սահմանված վերջնարդյունքների և շրջանավարտների ձեռք բերած գիտելիքների ու մասնագիտական կարողությունների համադրելիության վերաբերյալ հարցեր:
7. Ամփոփիչ ատեստավորման հանձնաժողովներում արտաքին շահակիցների ներգրավումը (2014թ.-ից)՝ նրանց կարծիքներն օգտագործվում են կրթական ծրագրերի վերանայման ժամանակ:
8. Դասավանդման որակի և արդյունավետության վերաբերյալ ուսանողական կանոնակարգված հարցումները (2007թ.-ից, ԳԽ, 27.01.2017թ.), որոնց օգնությամբ գնահատվում են դասախոսական կազմի մասնագիտական և մանկավարժական որակները, ֆակուլտետի դեկանի, դեկանի տեղակալի, դեկանատի գործավարի, ուսումնական խորհրդատուների աշխատանքները: Արդյունքներն օգտագործվում են հիմնական դասախոսական կազմի ընտրության, վերապատրաստումների, առաջաջաման և խրախուսման գործընթացներում:
9. Կանոնակարգված դասալսումները ամբիոնների վարիչների կողմից (ԳԽ, 17.10.2014թ), որոնց արդյունքներն օգտագործվում են դասավանդման և ուսումնառության գործընթացի կատարելագործման, դասավանդման որակի բարելավման, հաջողված փորձի փոխանակման և ներդրման համար և այլն:
10. Դասախոսական կազմի որակավորման բարձրացման ծրագրերը (2011թ.-ից, ԳԽ, 11.02.2017թ.), որոնք նպատակաուղղված են դասախոսական կազմի մասնագիտական և մանկավարժական հմտությունների բարելավմանը:
11. Ներքին շահակիցների շրջանում անցկացվող բավարարվածության տարբեր հարցումները, մասնավորապես, ուսանողների, պրոֆեսորադասախոսական, վարչական և ուսումնասօժանդակ անձնակազմի մասնաճյուղից բավարարվածության հարցումները (2015թ.-ից), մասնաճյուղում ուսանողների գնահատումից դասախոսների և ուսանողների բավարարվածության հարցումները (2013թ.-ից), պրակտիկաների կազմակերպումից ուսանողների բավարարվածության հարցումները (2015թ.-ից), մասնաճյուղում գիտական գործունեության հնարավորությունների վերաբերյալ դասախոսական հարցումները (2016թ.-ից), որոնց միջոցով հավաքագրված տվյալներն օգտագործվում են համապատասխան գործընթացների բարելավմանն ուղղված ծրագրերի և միջոցառումների մշակման ժամանակ: 2018թ.-ից նշված հարցումներն ուսանողների և դասախոսների համար առանձին իրականացվում են մեկ հարցաշարով և առցանց:
12. Արտաքին շահակիցների շրջանում անցկացվող մասնաճյուղի պրակտիկանտ-ուսանողների և շրջանավարտների վերաբերյալ նրանց կարծիքի ուսումնասիրության կանոնակարգված հարցումները (2011թ.-ից): Նրանց կարծիքներն օգտագործվում են կրթական ծրագրերի վերանայման, դասախոսների կողմից դասավանդման և ուսումնառության մեթոդների

ընտրության ժամանակ:

13. «Դասընթացների փաթեթներ»-ի կիրառումը դասախոսների կողմից (2014թ.-ից), որը հնարավորություն է տալիս դասախոսներին պլանավորել իրականացնել, գնահատել և վերանայել դասընթացը: 2019-20 ուստարվա ուսումնասիրության արդյունքներով մասնաճյուղի տարբեր կրթական ծրագրերով իրականացվող դասընթացների **75%-ի** համար առկա են պորտֆոլիոներ, մյուսներն ընթացքի մեջ են (հիմք ՄԿՈԱ բաժնի 29.10.2019թ. արձ.): 2019թ.-ից փաթեթի մեջ ներդրվել է նաև դասընթացի գնահատման հարցումի պահանջը, որը դեռևս 2014թ.-ից իրականացվում էր մի քանի դասախոսների կողմից: Նման հարցման արդյունքները կօգնեն դասախոսին դասընթացի վերանայման և նոր պլանավորման ժամանակ:

14. Որակի ներքին գործընթացներին աջակցող **ուսանողական աշխատանքային խմբերի** առկայությունը, որոնց օգնությամբ կրթական և ուսումնական տարբեր խնդիրների վերաբերյալ պարբերաբար իրականացվում են հանդիպում-քննարկումներ ուսանողների հետ:

15. Հասարակության տարբեր խավերի շրջանում անցկացվող անմիջական և առցանց **հարցումները** (2018թ., 2019թ.), որոնք նպատակ ունեն պարզելու նրանց կարծիքը մասնաճյուղի վերաբերյալ, բավարավածությունը նրա գործունեությունից և պահանջվածությունը:

16. Ֆոկուս խմբերով հանդիպումները թիրախային տարբեր խմբերի հետ (**մագիստրատուրա գնացող շրջանավարտների, շրջանավարտների, ավարտական կուրսերի ուսանողների, պրակտիկանտների, պրակտիկաների ղեկավարների, ուսանողների, արտաքին շահակիցների**):

ՈԱ վերոնշյալ մեխանիզմներն ու ընթացակարգերը պաշտոնապես հաստատված են ԵՊՀ Իջևանի մասնաճյուղի ԳԽ կողմից, դրանց մասին իրազեկված են մասնաճյուղի բոլոր ուսումնական և վարչական կառույցները, իսկ արտաքին շահակիցներին և լայն հանրությանը հասանելի դարձնելու նպատակով տեղադրված են մասնաճյուղի պաշտոնական կայք էջում:

Մասնաճյուղում ընթացքի մեջ է որակի ապահովման ձեռնարկի մշակումը:

ՉՍՓՈՐՈՇԻՉ ք. Որակի ներքին ապահովման գործընթացների կառավարման նպատակով ՄՈՒՀ-ը տրամադրում է մարդկային, նյութական և ֆինանսական ռեսուրսներ:

2009թ. դեկտեմբերին մասնաճյուղում ստեղծվել է Որակի ապահովման և վերահսկման հանձնաժողով, որը 2015թ.-ից վերանվանվել է գիտական խորհրդին կից **որակի կառավարման մշտական հանձնաժողովի** և հաստատվել է նրա կանոնակարգը (**ԵՊՀ ԻՄ ԳԽ, 31.10.2015թ.**): Այն որակի ապահովման գործընթացները կառավարող մարմին է, որի նպատակը մասնաճյուղում որակի մշակույթի ձևավորումն ու զարգացումն է: 2011թ.-ից մասնաճյուղում գործում է ֆակուլտետներում որակի կառավարման հանձնաժողովի լիազոր ներկայացուցիչների ինստիտուտը, նրանց գործունեությունը և հիմնական գործառնություններն այժմ **ներկայացված են նոր կանոնակարգում** (**ԵՊՀ ԻՄ ԳԽ, 31.10.2015թ.**):

2011թ. հոկտեմբերին մասնաճյուղում ձևավորվել է կրթության որակի ապահովման և գնահատման (ԿՈԱԳ) բաժինը, որը 2014թ. վերանվանվել է **Մասնագիտական կրթության որակի ապահովման (ՄԿՈԱ) բաժնի**, իր **կանոնադրությամբ** (**ԳԽ, 26.12.2016թ.**): Բաժինը ԵՊՀ ԻՄ-ի ինքնուրույն կառուցվածքային ստորաբաժանում է, որի հիմնական նպատակը համալսարանում որակի ներքին ապահովման համակարգի կայուն ներդնելն է և դրա արդյունավետ իրականացումը: Բաժինն իր գործունեությունը **պլանավորում է** համաձայն մասնաճյուղի զարգացման (2016-2020թթ.) ռազմավարական պլանի, իրականացնում է այն և մշտապես տալիս է **հաշվետվություն** իր գործունեության վերաբերյալ:

2011թ.-ից գործարկվել է մասնաճյուղի պաշտոնական կայքը, որը հանդիսանում է մասնաճյուղի ռազմավարական գործունեության ամենակարևոր միջոցը, պարբերաբար հարստացվում և արդիականացվում են նրա բովանդակային և ծրագրային բաղադրիչները (*ՌԾ, գործ.3.1.3*), իսկ 2018թ.-ից գործում է նրա եռալեզու տարբերակը (*ՌԾ, գործ.9.1.3*), որն ապահովում է մասնաճյուղի միջազգայնացման հնարավորությունը:

ՄԿՈԱ բաժինը բացի հաստիքային աշխատակիցներից իր գործընթացների մեջ ներգրավում է **ուսանողական խմբեր** (*ՌԾ, գործ.1.3.1*), ովքեր օգնում են ներքին և արտաքին շահակիցների կարիքների ուսումնասիրման գործընթացում, կազմակերպում են քննարկումներ ուսանողության շրջանում, հավաքագրում են խնդիրներ, հետամուտ են լինում դրանց լուծումների վերաբերյալ արդյունքների հրապարակայնացմանը և ուսանողների տեղեկացվածությանը:

Մասնաճյուղի ինստիտուցիոնալ կարողությունների ինքնագնահատման գործընթացներն իրականացնելու համար մասնաճյուղի տնօրենի հրամանով ձևավորվում է **աշխատանքային խումբ**, որում ներգրավվում են մասնաճյուղի տարբեր ստորաբաժանումների աշխատակիցներ և ուսանողներ:

Ներքին և արտաքին շահակիցների շրջանում տարաբեր ուսումնասիրությունների նախապատրաստման, անցկացման, արդյունքների մշակման ու ամփոփման համար մասնաճյուղը հատկացնում է մարդկային, նյութական և **ֆինանսական ռեսուրսներ** (*ՌԾ իրականացման ժամանակացույց-այլան*): Ֆինանսական ռեսուրսների առումով բաժինը չունի հատուկ ֆինանսական միջոցներ, սակայն մասնաճյուղը վարում է որակի ապահովման գործընթացների **ֆինանսական ապահովման հաստատված քաղաքականություն** (*ԵՊՀ ԻՄ ԳԽ, 28.12.2013թ.*): Ֆինանսական միջոցների կարիք ունենալու դեպքում համալսարանի բյուջեից կարող են հատկացվել համապատասխան միջոցներ (*ԵՊՀ ԻՄ կանոնադրություն 1.6*):

2018թ. դեկտեմբերին ՄԿՈԱ բաժնի աշխատակիցները և որակի ապահովման գործընթացներին աջակցող ուսանողական խմբերը **հասարակության շրջանում հերթական հարցումն** իրականացնելու համար ստացել են համապատասխան ֆինանսական աջակցություն՝ ամանորյա փոքրիկ նվերներով բնակչությանը այցելելու համար:

2019թ. հունիսի 14-ին Հայ-ռուսական համալսարանում կայացել է «**Որակավորումների արժանահավատ շնորհում**» թեմայով ուսանողների և դասախոսների համաժողով, որը կազմակերպել էր որակի ապահովման ազգային կենտրոնը՝ իր 10-ամյակի միջոցառումների շրջանակում, որին գործուղվել են մասնաճյուղի շուրջ 20 աշխատակիցներ:

ՉՍՓՈՐՈՇԻՉ գ. Ներքին և արտաքին շահակիցները ներգրավված են որակի ապահովման գործընթացներում:

Մասնաճյուղում իրականացվող որակի ապահովման բոլոր գործընթացներում որոշակի դերակատարություն է վերապահված ներքին և արտաքին շահակիցներին: Նրանք ներգրավված են մասնաճյուղի **ԳԽ-ում** և **ֆակուլտետների գիտական խորհուրդներում**, Գիտական խորհրդին կից որակի կառավարման հանձնաժողովում, **մանդատային հանձնաժողովում**, ամփոփիչ ատեստավորման հանձնաժողովներում, մասնագիտությունների կրթական ծրագրերը մշակող և վերանայող աշխատանքային խմբերում, ինչպես նաև ԵՊՀ Իջևանի մասնաճյուղի ինստիտուցիոնալ կարողությունների ինքնագնահատման աշխատանքային խմբի կազմում: Ուսանողներն ակտիվորեն մասնակցում են մասնաճյուղի կողմից իրականացվող տարաբնույթ հարցումների համար հարցաշարերի մշակմանը, հարցումների կազմակերպմանը և անցկացմանը, արդյունքների մշակմանը և ներկայացմանը:

2015թ.-ից գործում են ՄԿՈԱ բաժնին կից որակի ներքին ապահովման գործընթացներին աջակցող ուսանողական աշխատանքային խմբեր: Նրանք ուսանողների շրջանում կազմակերպել են մի շարք քննարկումներ, օրինակ, մասնաճյուղում [սկադեմիական ազնվության առկա մակարդակից](#) ուսանողների բավարարվածության և սկադեմիական անազնվության դրսևորումների ու հետևանքների հետ կապված խնդիրների վեր հանման վերաբերյալ, [պրակտիկանտ ուսանողների վերաբերյալ գործատուների կարծիքների վերաբերյալ](#), դասընթացի գնահատման հարցաշարի վերաբերյալ և այլն:

ՉԱՓՈՐՈՇԻՉ Պ. Որակի ներքին ապահովման համակարգը պարբերաբար վերանայվում է:

Որակի ապահովման համակարգի վերանայման և բարելավման համար հիմք են հանդիսանում մասնաճյուղում բարձրորակ կրթությունն ապահովող բոլոր օղակների գործունեությունից ներքին և արտաքին շահակիցների բավարարվածության վերաբերյալ տարբեր մեխանիզմներով իրականացվող ուսումնասիրությունների արդյունքները: Այդ արդյունքների համադրման և վերլուծության արդյունքում բացահայտվում են այն օղակները և գործընթացները, որոնք չեն բավարարում շահակիցների պահանջմունքներին, դիտարկվում են շահակիցների կարծիքները և առաջարկները: ՄԿՈԱ բաժինը կազմում է խնդիրների և առաջարկների փաթեթ և ներկայացնում է մասնաճյուղի ղեկավարությանը և համապատասխան ստորաբաժանումներին, մշակում է անբավարար գործընթացների բարելավման ծրագրեր:

ՄԿՈԱ բաժինը պարբերաբար վերանայում և թարմացնում է որակի գործընթացների իրականացման ընթացակարգերը, հարցաշարերը, հետազոտության մեթոդները և գործիքները: Վերջին տարիներին բոլոր հարցումներն [անց են կացվում առցանց](#), առավել իրական պատկեր և օբյեկտիվ գնահատական ստանալու համար: Բաժինը պարբերաբար կազմակերպում է [խորհրդատվական հանդիպումներ](#) կրթական ծրագրերի ղեկավարների, ստորաբաժանումների ղեկավարների, դասախոսների, ուսանողական կառույցների ներկայացուցիչների համար: Ամբիոններում կազմակերպում է դասընթացների փաթեթների վերաբերյալ [խորհրդատվություններ](#): 2019թ.-ին վերանայվել է [դասընթացների փաթեթի ուղեցույցը](#), ներառվել են որակի ապահովման մի շարք պահանջներ, մասնավորապես ներառվել է դասընթացի գնահատման հարցաշարը, մի շարք քննարկումներից հետո վերանայման փուլում է [սկադեմիական ազնվության կանոնակարգը](#), որի հիման վրա 2019 թվականին ՄԿՈԱ բաժնի կողմից մշակվել և քննարկման է ներկայացվել «ԵՊՀ Իջևանի մասնաճյուղի վարչական, սկադեմիական աշխատակազմերի և ուսանողների համար էթիկայի կանոնագիրք»-ը, որը կներկայացվի մասնաճյուղի գիտխորհուրդ հաստատման: 2018թ.-ի սեպտեմբերին բաժինը ներդրել է [աշխատանքային պլանների կազմման և դրանց կատարողականի վերաբերյալ](#) հաշվետվությունների պատրաստման նոր ձևաչափերը: 2014թ.-ից բաժինը ներդրել է [ամփոփիչ ատեստավորման հանձնաժողովների կարծիքների հավաքագրման](#) նոր ձևաչափը, որի միջոցով հանձնաժողովը գնահատում է շրջանավարտների մասնագիտական կոմպետենցիաները:

Մասնաճյուղը համեմատական վերլուծություն է կատարել ԵՊՀ-ի, Երևանի պետական տնտեսագիտական համալսարանի, Խ.Աբովյանի անվան պետական մանկավարժական համալսարանի որակի ներքին ապահովման գործընթացների և ընթացակարգերի հետ:

ՉԱՓՈՐՈՇԻՉ Ե. Որակի ապահովման ներքին համակարգն ապահովում է բավարար հիմքեր որակի ապահովման արտաքին գնահատման գործընթացների համար:

ԵՊՀ Իջևանի մասնաճյուղի որակի ապահովման համակարգն իր գործունեությամբ ստեղծել է անհրաժեշտ փաստաթղթային և տեղեկատվական հիմքեր մասնաճյուղի

գործունեության լիարժեք, թափանցիկ ներկայացման համար, մշտապես կատարել է իր գործունեության գնահատումներ, որոնցում նշվել են ոչ իայն ձեռքբերումները, այլ նաև բաց թողումները, մշտապես հանրությանը հասանելի է դարձրել իր պլանները: Մասնաճյուղն ունի բավարար հիմքեր որակի ապահովման արտաքին գնահատման համար:

ՉՍՓՈՐՈՇԻՉ գ. Որակի ապահովման ներքին համակարգն ապահովում է ՄՈՒՀ-ի գործունեության թափանցիկությունը՝ տրամադրելով ՄՈՒՀ-ի գործընթացների որակի մասին տեղեկատվություն՝ ներքին և արտաքին շահակիցների համար:

Մասնաճյուղի ՄԿՈԱ բաժինն աշխատում է բոլոր ստորաբաժանումների հետ, իր խորհրդատվություններով աջակցում է գործունեության ճիշտ պլանավորման և գնահատման հարցերում, մշտապես ուսումնասիրում է նրանց ձեռքբերումները, առաջարկում է բարելավման համապատասխան մոտեցումներ՝ մշակելով տարբեր ձևաչափեր, ուղեցույցներ և ընթացակարգեր: Մասնաճյուղի կարևոր խնդիրն է ապահովել ՈԱ գործընթացների թափանցիկությունը և տեղեկատվության հասանելիությունը հասարակությանը ([ՌԾ, գործ. 8.4.6](#)): Հավատարիմ իր ռազմավարությանը, մասնաճյուղի ՈԱ համակարգի գործունեությունը թափանցիկ է և բոլոր արդյունքների մասին տեղեկատվությունը տրամադրվում է շահագրգիռ բոլոր կողմերին:

Ներքին և արտաքին շահակիցների համար մասնաճյուղի գործունեության թափանցիկությունն ապահովվելու համար կարևոր է նրանց տեղեկացվածությունն ապահովող գործիքների առկայությունը: Այդ նպատակով մասնաճյուղում գործադրված են ներքին և արտաքին տեղեկատվության մի շարք մեխանիզմներ, որոնցից են.

1. Մասնաճյուղի պաշտոնական կայքը՝ իր բոլոր բաժիններով,
2. «Կրթության որակի կառավարում» բաժնի առկայությունը, որը հանրությանը ներկայացնում է [մասնաճյուղի քաղաքականությունը](#) կրթության որակի բնագավառում, տրամադրում է տեղեկատվություն որակի տարբեր [գործընթացների և դրանց արդյունքների վերաբերյալ](#), հանրայնացնում է մասնաճյուղում իրականացված [ինստիտուցիոնալ կարողությունների ինքնագնահատման բոլոր զեկույցները](#), ներքին շահակիցներին տրամադրում է կրթության որակի ապահովման վերաբերյալ ժամանակակից գրքեր և [ուղեցույցներ](#) (2019թ.-ից) և այլն:
3. ԵՊՀ ԻՄ գործունեության վերաբերյալ տնօրենի [ամենամյա հաշվետվությունը ԵՊՀ գիտական խորհրդում](#), որտեղ ամփոփվում են նաև մասնաճյուղի անցնող ուստարում ուսումնական, գիտահետազոտական ու վարչական կառույցների գործունեության հիմնական արդյունքները:
4. Ռազմավարական ընթացիկ պլանի կատարողականի վերաբերյալ ԵՊՀ ԻՄ-ի [տնօրենի զեկույցները](#) մասնաճյուղի գիտական խորհրդում:
5. Ֆակուլտետների և կառուցվածքային ստորաբաժանումների գործունեության վերաբերյալ նրանց ղեկավարների տարեկան հաշվետվությունները մասնաճյուղի գիտական խորհրդում:
6. Մասնաճյուղի [գործունեության գնահատման առանցքային ցուցանիշների \(ԳԱՑ\) լրակազմը](#), որը պարբերաբար հրապարակվում է, տրամադրվում է բոլոր ստորաբաժանումներին և նպատակ ունի քանակական ցուցանիշների օգնությամբ ներկայացնել մասնաճյուղի ձեռքբերումներն ու բացթողումները վերջին 5 տարիների համար:
7. Ներքին և արտաքին շահակիցների շրջանում անցկացվող տարաբնույթ [հարցումների արդյունքներն](#) ու [վերլուծությունները](#), որոնք ներկայացվում են նաև ուսանողների, դասախոսների և մասնաճյուղի գիտական խորհրդի քննարկմանը:
8. Ուսանողների առաջադիմության և շարժի, ինչպես նաև ուսումնական այլ գործընթացների վերաբերյալ տեղեկատվությունն ապահովող “Supervision” ավտոմատացված էլեկտրոնային

համակարգը, որը հասանելի է դարձնում ուսումնական գործընթացին առնչվող տվյալների մեծածավալ բազան:

9. Ֆակուլտետների գործունեության վերաբերյալ մաքսիմալ տեղեկատվության առկայությունը կայքի «**Ֆակուլտետներ**» և «**Ամբիոններ**» բաժնում: Մասնավորապես,

- ✓ Կրեդիտային համակարգով [ուսումնառության ուղեցույցները և դասընթացների տեղեկագրերը](#), որոնք տեղեկատվություն են տալիս մասնաճյուղում ուսումնառության կազմակերպման վերաբերյալ,
- ✓ [բակալավրի կրթական ծրագրերը](#), որոնք ներքին և արտաքին շահակիցներին ամբողջական տեղեկատվություն են տրամադրում կոնկրետ մասնագիտության կրթական ծրագրի ու առանձին դասընթացների վերաբերյալ:
- ✓ [Դասացուցակները](#) և [ուսանողների առաջադիմության արդյունքները](#),
- ✓ Ամբիոններում դասախոսական կազմը, դասալուսմների գրաֆիկը, աշխատանքային պլանները, տարեկան հաշվությունները և այլն:

10. Մասնաճյուղում իրականացվող [բակալավրի կրթական ծրագրերի ցանկի](#) և բոլոր ծրագրերի [կրթական վերջնարդյունքների](#) առկայությունը կայքի «**Ուսանող**» բաժնում, որոնց միջոցով արտաքին շահակիցները, մասնավորապես դիմորդները, տեղեկատվություն և պատկերացում են ստանում ծրագրի շրջանավարտի մասնագիտական ապագա որակների վերաբերյալ:

11. Պրոֆեսորադասախոսական, վարչական և ուսումնաօժանդակ [աշխատակազմի վերաբերյալ տեղեկատվության](#) առկայությունը կայքի «**Մասնաճյուղի կառուցվածք**» բաժնում (2019թ.-ից):

12. Մասնաճյուղի կրթական և գիտական գործունեության կանոնակարգային բոլոր փաստաթղթերի հրապարակայնացումը կայքի «**Փաստաթղթեր**» բաժնի միջոցով:

13. [Հետադարձ կապի ապահովումը](#) արտաքին շահակիցների համար, որը հնարավորություն է տալիս առցանց ուսումնասիրելու և հավաքագրելու նրանց առաջարկները, պատասխանելու նրանց հետաքրքրող հարցերին:

Ըստ ՄԿՈԱ բաժնի ուսումնասիրությունների արդյունքների, մասնավորապես հարցումների մասնակցած հասարակության տարբեր խավերի ներկայացուցիչների **91%-ը բավարարված է** մասնաճյուղի թափանցիկ գործունեությունից և տեղեկատվության հասանելիության ապահովումից, ներքին շահակիցները բավարարված են կայքում տեղեկատվության ամբողջականությունից և բովանդակականությունից, ստորաբաժանումների աշխատանքից և այլն:

Ուժեղ կողմեր (Strengths)	Հնարավորություններ (Opportunities)
<p>1. Որակի ապահովման ոլորտին առնչվող ռազմավարական նպատակների և խնդիրների առկայությունը մասնաճյուղի զարգացման ռազմավարական ծրագրում</p> <p>2. Որակի ապահովման կառույցի առկայությունը և տեխնիկապես հագեցվածությունը</p> <p>3. Կրթության որակի բնագավառում մասնաճյուղի քաղաքականության առկայությունը</p> <p>4. ԵՊՀ ԻՄ-ի գործունեության գնահատման առանցքային ցուցանիշների առկայությունը</p> <p>5. Կառուցվածքային ստորաբաժանումներում լիազոր-ներկայացուցիչների առկայությունը</p>	<p>1. Որակի ապահովման ազգային կենտրոնի հետ ակտիվ համագործակցություն</p> <p>2. Որակի ապահովման գործընթացների քաղաքականության և ընթացակարգերի բենչմարքինգի ուղղությամբ Մայր բուհի աջակցությունը</p>

<p>6. Մասնաճյուղում ինստիտուցիոնալ կարողությունների վերլուծությունն իրականացնող աշխատանքային խմբի առկայությունը և ինքնավերլուծության պարբերաբար իրականացումը</p> <p>7. Որակի ապահովման մշակված մեխանիզմների և գործիքների առկայությունը</p> <p>8. Որակի ապահովման գործընթացներում ներքին և արտաքին շահակիցների ներգրավվածությունը</p> <p>9. Մասնաճյուղի աշխատակիցների մասնակցությունը ՈԱԱԿ-ի կողմից պարբերաբար կազմակերպվող վերապատրաստումներին</p> <p>10. Մասնաճյուղի մասնակցությունը ՈԱԱԿ-ի կողմից կազմակերպված փորձնական հավատարմագրմանը (2011թ., 2013թ.,)</p> <p>11. Մասնաճյուղի գործունեության և որակի ապահովման գործընթացների թափանցիկությունը</p>	<p>3. Մայր բուհի Որակի ապահովման կենտրոնի հետ համագործակցությունը</p>
<p>Թույլ կողմեր (Weaknesses)</p>	<p>Վտանգներ(Threats)</p>
<p>1. Որակի ապահովման և հետադարձ կապերի որոշ մեխանիզմների անկատարությունը</p> <p>2. Աշխատանքային խմբի հասարակական հիմունքներով աշխատելը</p> <p>3. Որակի ապահովման գործընթացների քաղաքականության և ընթացակարգերի բենչմարքինգի անկատարությունը</p> <p>4. Որակի ապահովման գործընթացներում մասնաճյուղի ստորաբաժանումների ոչ լիարժեք ներգրավվածությունը</p> <p>5. Որակի ապահովման ձեռնարկի բացակայությունը</p> <p>6. Որակի ներքին ապահովման համակարգի վերանայման քաղաքականության բացակայությունը</p> <p>7. Ուերակի ներքին ապահովման գործընթացներում մասնագետ կադրերի պակասությունը</p>	<p>1. Ֆինանսական մուտքերի նվազումը</p> <p>2. Արտաքին շահակիցների կողմից որակի ապահովման գործընթացների նկատմամբ անտարբերությունը</p> <p>3. Այլ բուհերի կողմից համագործակցության պասիվ դիրքորոշումը</p>

Ինչպես պետական և կրթության ոլորտի կառավարման մարմինների, այնպես էլ հասարակության կողմից առանձնահատուկ ուշադրության է արժանանում մասնագիտական կրթության որակի ապահովումը: Բնականաբար, մասնաճյուղը անմասն չի մնում նշված գործընթացից, որի բարելավման համար նախատեսվում է.

- վերանայել և բարելավել որակի ապահովման մեխանիզմները և ընթացակարգերը,
- ներգրավել որակի ապահովման գործընթացում մասնաճյուղի ներքին շահակիցներին,
- ձևավորել արտաքին շահակիցների հետ կայուն հետադարձ կապի մեխանիզմներ,
- մշակել և հրատարակել որակի ապահովման ներքին համակարգի ձեռնարկ,
- մշակել որակի ներքին ապահովման համակարգի վերանայման քաղաքականություն,
- ինքնավերլուծության հիման վրա վերանայել որակի ներքին և արտաքին ապահովման գործընթացները: